

PRIVREDNA-GOSPODARSKA KOMORA
BRČKO DISTRIKTA
BOSNE I HERCEGOVINE



ПРИВРЕДНА КОМОРА
БРЧКО ДИСТРИКТА
БОСНЕ И ХЕРЦЕГОВИНЕ

Cvijete Zuzorić bb, 76100 Brčko distrikt BiH; Telefon/faks: 049/216-116; E-mail: pkomora.bd@gmail.com; JIB: 4600147010003
Цвијете Зузорић бб, 76100 Брчко дистрикт БиХ; Телефон/факс: 049/216-116; ЈИБ: 4600147010003

Dj.br.: 01-138/17

Brčko distrikt BiH, 22.06.2017. g.

Na osnovu člana 13. Zakona o Privrednoj komori Brčko distrikta BiH i člana 27. Statuta Privredne komore Brčko distrikta BiH na 1. Redovnoj sjednici Skupštine Privredne komore Brčko distrikt BiH za mandatni period 2016. – 2018. godine, održanoj dana 21.06.2017. g., usvojen je

**PROGRAM RADA
PRIVREDNE KOMORE BRČKO DISTRIKTA
ZA 2017. GODINU**

UVOD	3
CILJEVI	4
1. ZASTUPANJE INTERESA PRIVREDE KROZ PARTNERSTVO SA IZVRŠNOM I ZAKONODAVNOM VLAŠĆU BRČKO DISTRIKTA BIH	5
2. POSLOVNE USLUGE I PROJEKTI	6
2.1. Poslovne usluge	6
2.2. Projekti iz domaćih izvora	7
2.3. Projekti iz međunarodnih izvora	7
3. SARADNJA SA VLADINIM I NEVLADINIM ORGANIMA I ORGANIZACIJAMA I MEĐUNARODNIM ORGANIZACIJAMA	7
4. POSLOVI SA INOSTRANSTVOM	7
5. EDUKACIJA	8
5.1. Edukacija članova Komore	8
5.2. Edukacija i stručno usavršavanje zaposlenika Komore	8
6. INFORMATIČKE USLUGE	8
7. SAJMOVI, PROMOCIJE I PREZENTACIJE	9
7.1. Organizacija 16. Međunarodnog sajma “Brčko 2017”	9
7.2. Sajmovi u zemlji i inostranstvu	9
7.3. Promocije i prezentacije	10
8. ZADRŽAVANJE I RAZVOJ ČLANSTVA	10
9. RAD ORGANA I STRUČNIH TIJELA KOMORE	10
9.1. Organi i stručna tijela	10
9.2. Podzakonski akti, izbori i imenovanja	10
10. STRUČNA SLUŽBA	10
11. OGRANIČENJA	11
12. PRAĆENJE REALIZACIJE I IZVJEŠTAVANJE	11

UVOD

Privredna komora Brčko distrikta BiH, u skladu sa svojim programskim opredjeljenjima u 2017. godini, planira intenzivirati svoje aktivnosti sa ciljem da pruži svoj puni doprinos poboljšanju uslova privređivanja i ozdravljenju privrede.

Komora će insistirati na donošenju i provođenju konkretnih mjera kojima će se poboljšati uslovi privređivanja i zaustaviti negativni trendovi u privredi. U tom kontekstu posebna pažnja bit će usmjerena na:

- **donošenje i provođenje novih razvojnih strategija u Brčko distriktu BiH,**
- **poboljšanje podsticaja u privredu Brčko distrikta BiH,**
- **hitno rasterećenje privrede od raznih fiskalnih i parafiskalnih opterećenja,**
- **poreska rasterećenja,**
- **uklanjanje uzroka nelikvidnosti,**
- **ukazivanje na ključne prepreke za brži dotok investicija i drugo.**

Realizacija naprijed navedenog dovelo bi do oporavka privrede i povećanja interesa za investiranje. To bi se pozitivno odrazilo, prije svega na povećanje proizvodnje i usluga, smanjenje deficita u robnoj razmjeni sa inostranstvom, osnivanje i otvaranje novih privrednih subjekata i rast zaposlenosti, povećanje opšte potrošnje i veći priliv budžetskih prihoda, a sve skupa bi uticalo na poboljšanje standarda stanovništva.

Programom rada Privredne komore Brčko distrikta BiH za 2017. godinu obuhvaćene su glavne aktivnosti Komore, koje će se po potrebi mijenjati i prilagođavati aktuelnoj privrednoj situaciji, zahtjevima članova, organa i stručnih tijela Komore i izvršenju Finansijskog plana Privredne komore Brčko distrikta BiH za 2017. godinu. Dopune programa uslijedit će i ukoliko se donese Zakon o izmjenama i dopunama Zakona o Privrednoj komori Brčko distrikta BiH.

CILJEVI

Glavni zadatak u 2017. godini jeste održati Komoru, kroz obezbjeđenje prihoda, kako bi ova asocijacija nastavila pružati punu podršku privredi u iznalaženju rješenja za probleme sa kojima se susreće poslovni sektor.

U definisanju ciljeva koji se žele ostvariti Programom rada Komore vodilo se računa o veoma nepovoljnom poslovnom ambijenu.

Osnovni ciljevi koji se žele ostvariti realizacijom Programa rada Komore su:

- Održati Komoru, kroz obezbjeđenje prihoda kojim će se omogućiti održavanje likvidnosti, te zadržati postojeći broj članova i povećati broj novih članova Komore;
- Aktivnostima Komore stalno podsticati razvoj i djelatnosti poslovnog sektora, putem iniciranja programa, projekata i mjera za stvaranje povoljnijih uslova privređivanja, a prije svega u sektoru fiskalne i investicione politike, te smanjenja nelikvidnosti;
- Proširiti obim i povećati kvalitet usluga koje Komora nudi svojim članovima;
- Insistiranjem na partnerstvu jačati utjecaj Komore na izvršnu i zakonodavnu vlast Brčko distrikta BiH kod donošenja, izmjena i dopuna zakona i drugih propisa koji se primjenjuju u privredi;
- Podići nivo informisanosti članova Komore o pristupu tržištu Evropske unije, kontinuiranim informisanjem o procesima integracije kroz saradnju sa Kancelarijom za Evropske integracije Vlade Brčko distrikta BiH;
- Ostvariti uticaj Komore kod donošenja razvojnih dokumenata Brčko distrikta BiH, posebno Strategije razvoja Brčko distrikta BiH 2008-20____;
- Aplikacija u projektima fondova EU u kojima je Komora nosilac ili partner i preduzimati aktivnosti na realizaciji istih;
- Uključiti Komoru u tripartitni ekonomsko-socijalni dijalog sa Vladom i Sindikatom Brčko distrikta BiH putem Ekonomsko-socijalnog vijeća Brčko distrikta BiH, tj. Koordinacionog vijeća Privredne komore Brčko distrikta BiH za saradnju sa Udruženjem poslodavaca Brčko distrikta BiH povodom rada Ekonomsko-socijalnog vijeća Brčko distrikta BiH;
- Pojačati aktivnosti na edukaciji članova Komore sa temama za koje su zainteresirani i time povećati kvalitet i kvantitet njihovog znanja s ciljem postizanja uspješnijih poslovnih rezultata;
- Povećati ulogu Komore u rješavanju međusobnih sporova između članova Komore;
- Nastaviti aktivnosti na donošenju Zakon o izmjenama i dopunama Zakona o Privrednoj komori Brčko distrikta BiH kojim bi članstvo u Komori postalo obavezno;
- Provoditi aktivnosti na povećanju ugleda Komore.

1. ZASTUPANJE INTERESA PRIVREDE KROZ PARTNERSTVO SA IZVRŠNOM I ZAKONODAVNOM VLAŠĆU BRČKO DISTRIKTA BiH

Zastupanje interesa članova Komore u partnerskim odnosima sa nadležnim organima izvršne i zakonodavne vlasti ostvarivaće se kroz:

- Redovno praćenje i izvještavanje članova i organa Komore, vlasti u Brčko distriktu BiH, kao i javnost, o stanju privrede u Brčko distriktu BiH;
- Redovno praćenje zakona i drugih propisa (radne verzije), koji se za javnu raspravu objavljuju na web-stranicama kao i radne verzije dostavljene od nadležnih organa Brčko distriktu BiH, te dostavljanje na komentar članovima Privredne komore Brčko distrikta BiH istih;
- Kontinuirano praćenje primjene postojeće privredne legislative na stanje pojedinih djelatnosti privrede i privrede u cjelini na prostoru Brčko distrikta BiH i o tome redovno informisanje organa Komore;
- Predlaganje, putem organa Komore, nadležnim institucijama Brčko distrikta BiH izmjene i dopune zakona i drugih propisa;
- Komora će nastojati da kroz partnersku saradnju sa izvršnom i zakonodavnom vlašću veći dio budžetskih sredstava usmjeri na razvoj i podršku privredi;
- Aktiviranje i realizacija ciljeva Memoranduma o zajedničkom djelovanju na unapređenju poslovnog ambijenta Brčko distrikta BiH;
- Planiranje aktivnosti koje se odnose na izgradnju novog komorskog sistema u BiH i donošenje zakona (aktivnosti na donošenju i implementaciji Zakona o izmjenama i dopunama Zakona o Privrednoj komori Brčko distrikta BiH, te aktivnosti nakon donošenja Zakona, u smislu njegove implementacije), kojim će se obezbijediti adekvatan status Komore, kao što je to slučaj u razvijenim zemljama;
- Uključivanje Komore u tripartitni ekonomsko-socijalni dijalog sa Vladom Brčko distrikta BiH i Sindikatom Brčko distrikta BiH, putem Ekonomsko-socijalnog vijeća Brčko distrikta BiH, tj. Koordinacionog vijeća Privredne komore Brčko distrikta BiH za saradnju sa Udruženjem poslodavaca Brčko distrikta BiH povodom rada Ekonomsko-socijalnog vijeća Brčko distrikta BiH;
- Iniciranje programa, projekata i mjera kojima će se značajno poboljšati položaj pojedinih djelatnosti privrede, odnosno onih djelatnosti koje imaju komparativnu prednost na prostoru Brčko distrikta BiH, sa ciljem povećanja njihove konkurentske i investicione sposobnosti;
- Predlaganje mjera i aktivnosti u pravcu izgradnje jedinstvenog ekonomskog prostora, a naročito kada je riječ o podsticanju konkurencije, zaštite potrošača, slobodnog kretanja robe i usluga, te sigurnosti industrijskih proizvoda;

- Predlaganje mjera i aktivnosti u vezi sa ulogom Komore u evropskim integracijama i pridruživanja BiH Evropskoj zajednici, posebno kada je riječ o povećanju konkurentne sposobnosti poslovnih subjekata i osposobljavanja članova Komore za nastup na tržištu EU.

2. POSLOVNE USLUGE I PROJEKTI

Komora će raditi na izradi analiza o poslovanju privrede u Brčko distriktu BiH i šire, pružati poslovne usluge prema zahtjevima i prijedlozima svojih članova, aplicirati na međunarodne projekte, a posebno iz fondova EU od interesa za Komoru i njene članove, dogovoriti njihovu realizaciju sa Vladom Brčko distrikta BiH.

2.1. Poslovne usluge

Komora će pružati usluge i stalno doprinositi ostvarivanju dinamičnijeg rasta i razvoja svojih članova i jačanju njihove konkurentne sposobnosti na unutaršnjem i međunarodnom tržištu.

Poslovne usluge, prema zahtjevima i prijedlozima članova, biće usmjerene na sljedeće:

- Aktueliziranje mjera za unapređenje poslovnog ambijenta, kako bi se nastavile aktivnosti na realizaciji mjera na prevazilaženju teške situacije u privredi i postepenog oporavka privrede;
- Kontinuirano podsticanje rasta proizvodnje i usluga, izvoza i supstitucije uvoza, poboljšanje kriterija i postupaka za ostvarivanje novčanih podsticaja za razvoj privrede i unapređenje izvoza, ujednačavanje i smanjenje poreza i doprinosa, ostvarivanja viših oblika saradnje sa partnerima iz zemlje i inozemstva, jače kontrole kvaliteta uvoznih proizvoda i dr.;
- Uspostavljanje i razvoj međusobne saradnje članova Komore s ciljem podsticanja razvoja i unapređenja međusobne poslovno-tehničke saradnje;
- Pružanje adekvatne usluge na planu razmjene informacija o ponudi i tražnji domaćih i inostranih kompanija;
- Pripremu i organizaciju poslovnih susreta, stručnih savjeta, ekspertnih timova, te zajedničkih susreta privrednika i predstavnika izvršne i zakonodavne vlasti;
- Izradu aktuelnih poslovnih i tržišnih informacija (o privrednim kretanjima, kreditnim linijama, i dr.) relevantnih za vođenje poslovne politike i njihovo distribuiranje članovima Komore;
- Pružanje stručne pomoći, posebno malim i srednjim preduzećima kod definisanja ciljeva razvoja, istraživanja tržišta, iznalaženja partnera, pružanja pomoći kod alternativnog rješavanja privrednih sporova - medijacija i pružanje druge pravne pomoći, pomoć prilikom pokretanja biznisa, informiranje o finansijskoj podršci biznisu, carinskim i poreznim obavezama i dr.;
- Povezivanje obrazovanja, nauke i prakse;

- Uključivanje kompanija u regionalne i međunarodne projekte;
- Pružanje informacija na bazi upita partnera iz inostranstva o kompanijama sa područja Brčko distrikta BiH, te o legislativi u Brčko distriktu BiH;
- Pružanje informacija o pojedinim tržištima na osnovu zahtjeva domaćih i stranih partnera;
- Izdavanje uvjerenja, dokumenata i isprava u okviru javnih ovlaštenja koja su prenesena na Komoru (Ata karnet, Certifikat o porijeklu proizvoda Form A i Of Origin) i koja budu prenesena na Komoru;
- Komora će obavljati i druge poslove iz domena svoga rada i prema zahtjevima članova.

2.2. Projekti iz domaćih izvora

U sklopu razvoja partnerskih odnosa sa izvršnom i zakonodavnom vlašću Brčko distrikta BiH predložiće se izrada i realizacija jednog broja projekata za koje nadležni organi iskažu interes.

2.3. Projekti iz međunarodnih izvora

Komora će i u narednom periodu pratiti pozive za projekte, aplicirati sa projektima, bilo kao lider projekta ili partner.

3. SARADNJA SA VLADINIM I NEVLADINIM ORGANIMA I ORGANIZACIJAMA I MEĐUNARODNIM ORGANIZACIJAMA

Komora će nastaviti aktivnosti na proširenju međukomorske saradnje sa Vanjskotrgovinskom/Spoljnotrgovinskom komorom BiH, komorama iz Federacije BiH i Republike Srpske, radi stvaranja jedinstvenog ekonomskog prostora u Bosni i Hercegovini.

Komora će saradivati sa brojnim vladinim odjeljenjima i pododjeljenjima, posebno sa Odjeljenjem za privredni razvoj, sport i kulturu, Zavodom za zapošljavanje Brčko distrikta BiH, te drugim vladinim organizacijama.

Kao članica mreže nevladinih organizacija, Komora će saradivati sa brojnim nevladinim organizacijama i učestvovati na skupovima u organizaciji NVO.

Saradnja sa međunarodnim organizacijama odvijat će se uglavnom kada je riječ o međunarodnim projektima, koji su od interesa za poslovni sektor.

4. POSLOVI SA INOSTRANSTVOM

Obavljanje poslova sa inostranstvom odvijat će se kroz saradnju sa partnerskim komorama u inostranstvu, razmjenjivanje informacija o pitanjima relevantnim za unapređenje poslovne saradnje među kompanijama, kao što su: uslovi poslovanja, zakoni i drugi propisi, tenderi, interesantna tržišta, potencijalni poslovni partneri i njihov bonitet, sajmovima u svijetu, kao i druge informacije za koje bude iskazan interes.

Aktivnosti će biti usmjerene na:

- Uspostavljanje direktnih kontakata domaćih i stranih partnera. Na bazi iskazanih interesa članova Komore, kao i članova partnerskih komora i u skladu sa finansijskim mogućnostima, radit će se na povezivanju kompanija iz srodnih djelatnosti sa ciljem uspostavljanja viših oblika saradnje. Organizirat će se privredni susreti u zemlji i inostranstvu za vodeće i potencijalno prosperitetne izvozno-uvozne djelatnosti.

- Predlaganje mjera za jače privlačenje stranih ulaganja u privredu Brčko distrikta BiH, naročito što je u primjeni Sporazum o stabilizaciji i pridruživanju sa EU, zatim CEFTA 2006. Sporazuma i dr.
- Pomoć članovima u aktivnostima na pripremi za uključivanje na jedinstveno evropsko tržište, ističući potrebu podizanja konkurentnosti proizvoda/usluga koje se proizvode u Brčko distriktu BiH, investiranja u tehnološku obnovu, te uvođenje novih znanja i programa.
- Prikupljanje i publikovanje relevantnih informacija o kompanijama, uslovima poslovanja, zakonima, tenderima i drugim pitanjima na bazi upita firmi.
- Promovisanje izvoznih mogućnosti kompanija sa područja Brčko distrikta BiH, s ciljem povećanja izvoza i smanjenja trgovinskog deficita.
- Nastup privrede Brčko distrikta BiH na sajmovima u inostranstvu, privrednim izložbama bh. robe i drugim privrednim manifestacijama, a prema godišnjem programu nastupa na sajmovima u inostranstvu, koji bude usvojen u Vanjskotrgovinskoj/Spoljnotrgovinskoj komori BiH, kao i prema iskazanom interesu članova Komore.

5. EDUKACIJA

U oblasti usluga edukacije, a na bazi iskustava iz prethodnog perioda, Komora planira povećati interes članova za edukaciju. Posebna pažnja bit će posvećena temama koje se odnose na pripremu i osposobljavanje članova Komore u fazi pregovora za pridruživanje BiH Evropskoj uniji.

5.1. Edukacija članova Komore

Edukacija članova Komore će se odvijati u saradnji sa partnerima i predavačima iz države i regiona, a teme će biti odabrani u zavisnosti od interesovanja članova, te ukazanih potreba i finansijskih mogućnosti.

5.2. Edukacija i stručno usavršavanje zaposlenika Komore

Kako bi zaposlenici Komore uspješno pružali usluge članovima Komore i drugim zainteresiranim, u okviru finansijskih mogućnosti, provodiće se stalna edukacija zaposlenika Komore.

6. INFORMATIČKE USLUGE

Komora će i dalje informisati i animirati članove Komore o značaju korištenja IT u biznisu. Prezentirat će i promovisati aktivnosti IKT članova, njihove proizvode i usluge.

ISP- Internet servisi

- Pružanje servisa web-maila i web-hostinga za članove Komore i ostale,
- Pružanje E-mail servisa za zaposlenike Komore.

Web stranice

- Web-stranica Komore – u planu je izrada nove web-stranice Komore, kao i redovno održavanje sadržaja aktivnosti Komore,
- Redovno ažuriranje web-stranice Sajam Brčko.

7. SAJMOVI, PROMOCIJE I PREZENTACIJE

7.1. Organizacija 16. Međunarodnog sajma privrede "Brčko 2017"

Kada je u pitanju organizacija i realizacija, odnosno aktivnosti vezane za 16. Međunarodni sajam privrede „Brčko 2017”, odvijati će se kroz glavne aktivnosti animacije potencijalnih i stalnih učesnika Sajma "Brčko" kroz prezentacije, učešća i posjete dole navedenim sajmovima i drugim ukoliko se ukaže povoljna prilika. Generalni pokrovitelj 16. Međunarodni sajam privrede „Brčko 2017” je Vlada Brčko distrikta BiH.

Ostale aktivnosti:

- formiranje Organizacionog odbora,
- dizajn i izrada prijave i pozivnog pisma za učesnike,
- formiranje i rad tenderskih komisija,
- izrada odluka i ugovora,
- svakodnevne aktivnosti na animiranju učesnika putem telefona, e-mail-a i direktnog kontakta,
- dizajn i izrada propagandnog materijala za sajam,
- dizajn i program internet stranice,
- izrada i postavljanje uličnih transparenata i bilborda,
- dizajn skice sajmišta,
- postavljanje montažno-demontažne hale,
- organizacija ceremonije svečanog otvaranja,
- organizacija koktela za goste i zvanice,
- realizacija programskog dijela Sajma,
- zatvaranje Sajma, te ostale aktivnosti organizacije i realizacije Sajma "Brčko 2017".

7.2. Sajmovi u zemlji i inostranstvu

Imajući u vidu značaj promocije i predstavljanja privrede Brčko distrikta BiH i Sajma Brčko, kao i njegove organizacije, a u okviru finansijskih mogućnosti, Komora i u 2017. godini planira posjete i nastupe na sajmovima:

- Međunarodni sajam gospodarstva - Mostar;
- 8. Međunarodnom sajmu poduzetništva i obrta Gračanica GRAPOS-EXPO 2017;
- 84. Međunarodnog poljoprivrednog sajma Novi Sad;
- Gradačački - međunarodni sajam poljoprivrede i prehrambene industrije - Sajam šljive Gradačac;
- Bijeljina – Međunarodni sajam poljoprivrede „INTERAGRO“;
- Međunarodni sajam EKOBIS - EKO turizam, ekologija, ekozdrava hrana, ekodrvoprerađiva, ekoindustrija Bihać;
- ZEPS – Zenica, te druge sajamske manifestacije za koje organi Komore odluče da se posjete.
- Banj Luka, biće odabran sajam,
- Beograd, biće odabran sajam.

Organiziranje posjeta i nastupa na sajmovima obuhvata: animiranje učesnika sajma, prikupljanje prijave; obrada podataka za organizaciju sajma, izrada liste učesnika i programa putovanja, utrošak kancelarijskog materijala, zakup ili kompenzacija štanda, troškovi puta i smještaja osoba koje će boraviti na sajmovima.

Komora će animirati svoje članstvo da zajedno učestvuju na sajmovima, kako bi smanjili troškove korištenja sajamskog prostora.

Prema godišnjem programu nastupa na sajmovima u inostranstvu, koji bude usvojen u Vanjskotrgovinskoj/Spoljnotrgovinskoj komori BiH, a prema iskazanom interesu članova, Komora će aktivno učestvovati u organizaciji i nastupu na sajmovima u inostranstvu.

Komora će se aktivno uključiti i u organiziranje drugih privrednih izložbi u inostranstvu.

7.3. Prezentacije i promocije

Komora će nastaviti sa pružanjem usluga organiziranja prezentacija i promocija privrednih društava i drugih poslovnih subjekata i njihovih proizvoda i usluga. S obzirom na dobrovoljnost članstva, ove usluge će se davati na komercijalnoj osnovi, s tim što će članovi Komore imati popust u skladu sa cjenovnikom Komore.

Planira se oganizovanje prezentacija i promocija vlastitih projekata i publikacija koje budu urađene u skladu sa Programom rada za 2016. godinu i finansijskim mogućnostima.

8. ZADRŽAVANJE I RAZVOJ ČLANSTVA

Komora će nastojati da svojim radom i aktivnostima u potpunosti zadovolji interese svojih članova i na taj način smanji odliv postojećeg članstva, a istovremeno privuče u članstvo što veći broj novih članova.

9. RAD ORGANA I STRUČNIH TIJELA KOMORE

9.1. Organi i stručna tijela

Skupština Komore će, kao najviši organ, razmatrati i usvajati godišnja dokumenta Komore i donositi druge odluke u okviru svoje nadležnosti.

Upravni odbor Komore će pripremati prijedlog odluka koje donosi Skupština Komore, donositi odluke i opšta akta iz svoje nadležnosti, redovno pratiti privredna kretanja po pojedinim oblastima i granama privrede, te privrede u cjelini, predlagati mjere za poboljšanje stanja u privredi i provoditi druge aktivnosti iz svoje nadležnosti.

Nadzorni odbor Komore će obavljati poslove iz svoje nadležnosti i o rezultatima nadzora (kontrole) podnositi izvještaj nadležnim organima Komore.

Predsjednik Komore će inicirati i organizovati proces rada, usmjeravati rad prema tekućim i razvojnim zahtjevima privrede, rukovoditi radom i poslovanjem Komore, predstavljati i zastupati Komoru, te izvršavati odluke Skupštine i Upravnog odbora Komore. Takođe, obavljati će i druge poslove utvrđene Zakonom, Statutom i drugim opštim aktima Komore.

Sekcije, stručna i radna tijela Komore, razmatraće specifičnu problematiku poslovanja privrede, prema privrednim oblastima za koje su osnovani, prema iskazanom interesu članova Komore u okviru pojedinih djelatnosti.

Sud časti će, ukoliko bude zainteresovanih članova, rješavati predmete iz svoje nadležnosti i zaštititi dobrih poslovnih običaja i morala. Osim rješavanja sporova, Sud će nastojati saradnju sa drugim sudovima časti iz partnerskih komora.

9.2. Podzakonski akti, izbori i imenovanja

Ukoliko dođe do donošenja novog Zakona o izmjenama i dopunama Zakona o Privrednoj komori Brčko distrikta BiH uslijedilo bi donošenje novih podzakonskih akata Komore i drugih poslova koji bi bili definisani ovim zakonom.

Ostali izbori i imenovanja u 2017. godini će se vršiti na osnovu odluka, pravilnika, procedura i kriterija Komore.

10. STRUČNA SLUŽBA

Stručna služba Komore je trenutno privremeno organizovana sa dva zaposlenika. U 2017. godini će se prilagođavati broj zaposlenih realnim potrebama, prihodima i mogućnostima Komore, kako bi se obezbijedilo poslovanje bez gubitka.

Stručna služba će u okviru svojih kadrovskih mogućnosti pružati stručnu podršku realizaciji programiranih zadataka i obezbijediti neophodne uslove za rad organa i stručnih tijela Komore.

Stručna služba će raditi na dogradnji pravne regulative za potrebe Komore, njenih organa i stručnih tijela.

Komora će tokom 2017. redovno informisati širu javnost o svim svojim aktivnostima i tako osigurati transparentnost rada Komore, računajući na punu medijsku podršku. U planu je održavanje konferencija za štampu i organiziranje tematskih emisija o privredi u elektronskim medijima. Kroz redovne kontakte sa novinarima i urednicima radit će se na proširenju i unapređenju saradnje sa medijima.

11. OGRANIČENJA

Sadašnji ambijent za poslovanje privrednih subjekata je nepovoljan, a koliko će on uticati na privrednu aktivnost zavisi od dinamike i efikasnosti provođenja privrednih i drugih reformi i privlačenja direktnih domaćih i stranih investicija. Bez značajnijeg unapređenja poslovnog okruženja, sama aktivnost Komore, njenih organa i stručnih tijela, neće biti dovoljna da se sadašnje, izuzetno složeno stanje u privredi Brčko distrikta BiH, značajnije promijeni.

Izvršenje zadataka, utvrđenih ovim Programom, zavisi od situacije u privredi, kao i stepena izvršenja Finansijskog plana Komore za 2017. godinu, saradnje sa nadležnom izvršnom i zakonodavnom vlašću u Brčko distriktu BiH.

12. PRAĆENJE REALIZACIJE I IZVJEŠTAVANJE

U zavisnosti od aktuelne privredne situacije i zahtjeva članova i organa Komore, Predsjednik i Upravni odbor Komore će, tokom godine, pratiti, prilagođavati i usmjeravati realizaciju Programa rada konkretnim potrebama svojih članova i po potrebi ga nadopunjavati, u skladu sa finansijskim i kadrovskim mogućnostima, i na kraju godine podnijeti izvještaj Skupštini Komore o realizaciji Programa.

PREDSJEDNIK SKUPŠTINE PK BD BiH

Niko Babić